



Broj: 05-04-20-2934-5/22
Datum: 22.06.2022. godine

Na osnovu člana 70. Zakona o javnim nabavkama („Službeni glasnik BiH“, broj 39/14) i člana 42. Statuta Općine Maglaj („Službene novine općine Maglaj“, br. 8/07, 3/08 i 6/08), a u vezi sa Zapisnikom o pregledu i ocjeni ponude, broj 05-04-20-2934-4/22 od 22.06.2022. godine, u postupku javne nabavke „Izgradnja primarne servisne saobraćajnice A-B-C u Poslovnoj zoni Liješnica“, načelnik općine Maglaj donosi

ODLUKU

o izboru najpovoljnijeg ponuđača

I

Prihvata se preporuka komisije za javne nabavke i ugovor za izvođenje radova na izgradnji primarne servisne saobraćajnice A-B-C u Poslovnoj zoni Liješnica dodjeljuje se ponuđaču „**Komgrad-Ze**“ d.o.o. Zenica, u skladu sa ponudom broj I-710/22 od 15.06.2022. godine, po ukupnoj konačnoj cijeni od **125.397,50 KM bez PDV-a, odnosno 146.715,07 KM sa PDV-om.**

II

Ponuđač iz tačke I dužan je, u roku od pet dana od dana zaprimanja ove odluke, dostaviti dokaze koji su tenderskom dokumentacijom i Zakonom o javnim nabavkama utvrđeni kao dokazi koje je obavezan dostaviti izabrani ponuđač.

III

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

IV

Ova odluka dostavlja se svim ponuđačima koji su učestvovali u postupku javne nabavke i ima se objaviti na web stranici Općine Maglaj.

O b r a z l o ž e n j e

Odlukom o pokretanju postupka, broj 05-04-20-2934/22 od 23.05.2022. godine, pokrenut je postupak javne nabavke „Izgradnja primarne servisne saobraćajnice A-B-C u Poslovnoj zoni Liješnica“, otvoreni postupak. Predmetna javna nabavka objavljena je na Portalu javnih nabavki, obavještenje o nabavci broj 1140-1-3-55-3-23/22 od 26.05.2022. godine. Kriterij za dodjelu ugovora je najniža cijena.

Predmetni postupak je provela komisija za javne nabavke, imenovana Odlukom broj 05-45-1-1069/22 od 19.05.2022. godine. U toku postupka, Komisija je zaprimila pristigle ponude, izvršila njihovo otvaranje, pregled i ocjenu, prema zahtjevima i kriterijima iz tenderske dokumentacije, o čemu je sačinila odgovarajuće zapisnike, u skladu sa čl. 63.stav 5. i 65. stav 2. Zakona o javnim nabavkama.

U predmetnom postupku, Komisija je utvrdila sljedeće:

Blagovremeno je zaprimljeno šest ponuda. Neblagovremenih ponuda nije bilo.

Izvršivši pregled i ocjenu ponuda, Komisija je utvrdila da ponuda ponuđača „MGV Gradnja“ d.o.o. Zavidovići nije prihvatljiva. Naime, tenderskom dokumentacijom traženo je da ponuđači, uz izjavu iz člana 47. Zakona, dostave potvrdu banke o solventnosti, odnosno da račun nije blokiran u posljednjih 6 mjeseci (računajući od dana objavljivanja obavještenja o nabavci), u običnoj kopiji. Imenovani ponuđač dostavio je potvrdu Sparkasse Bank d.d. BiH, izdatu 16.05.2022. godine, u kojoj se navodi da transakcijski račun ponuđača nije bio blokiran u periodu posljednjih šest mjeseci. Prema datumu izdavanja potvrde, jasno je da se ista odnosi na period 16.11.2021. – 16.05.2022. godine. Međutim, obavještenje o nabavci objavljeno je 26.05.2022. godine, a iz formulacije zahtjeva u tenderskoj dokumentaciji jasno je da su ponuđači morali dokazati da su bili solventni u periodu 26.11.2021.–26.05.2022. godine. Iz navedenog razloga, ponudu imenovanog ponuđača je odbačena.

E-aukcija je zakazana za dan 22.06.2022. godine, s početkom u 09,30h. Nakon održane e-aukcije, konačna rang lista u predmetnom postupku javne nabavke je sljedeća:

r/b	Naziv ponuđača	Cijena / KM bez PDV-a	Cijena / KM sa PDV-om
1.	“Komgrad-Ze” d.o.o. Zenica	125.397,50	146.715,07
2.	“Hajdić” d.o.o. Maglaj	158.956,05	185.978,57
3.	“Mevludin Commerc” d.o.o. Sarajevo	176.598,90	206.620,71
4.	“Dobojputevi” d.d. Doboj Jug	182.382,54	213.387,57
5.	“Geo-put” d.o.o. Maglaj	183.056,90	214.176,57

U postupku donošenja ove odluke, posebno su cijenjene činjenice da je komisija, sastavljena od stručnih lica, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu komisije, koji bi eventualno bili osnov za neprihvatanje date preporuke za izbor najpovoljnijeg ponuđača i dodjelu ugovora. Uvidom u priloženu dokumentaciju, utvrđeno je da je Komisija u svemu pravilno postupila, te da je izabrani ponuđač dostavio prihvatljivu ponudu, sa najnižom cijenom nakon e-aukcije, a imajući u vidu navedeno, kao i činjenicu da je kriterij za dodjelu ugovora u predmetnom postupku najniža cijena, ugovorni organ je utvrdio da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od 10 (deset) dana od dana prijema Odluke.

Obradivač:

Irma Šahman-Šehić *Šehić*

DOSTAVLJENO:

1. Ponudači – putem maila
2. Služba za urbanizam, geodetske i imovinsko-pravne poslove
3. Web stranica
4. a/a



NAČELNIK OPĆINE
Mirsad Mahmutagić *Mh*